



文學叢書

十八家詩鈔下

世界書局

清曾國藩撰

十八家詩鈔

下冊

卷十七至
卷廿八

世界書局

十八家詩鈔／（清）曾國藩編．

--三版.--臺北市：

世界，2009. 09 印刷

冊；公分（中國文化經典，文學叢書）

ISBN：978-957-06-0372-9（全套：平裝）

831

98017599

〈中國文化經典 文學叢書〉

十八家詩鈔 下冊

713-
1315

著者／（清）曾國藩編

發行人／閻初

發行者／世界書局股份有限公司

登記證／行政院新聞局局版臺業字第〇九三一號

地址／臺北市重慶南路一段九十九號

電話／（〇二）二三一一—三八三四

傳真／（〇二）二三三一—七九六三

網址／www.worldbook.com.tw

劃撥帳號／〇〇〇五八四三七 世界書局

出版日期／二〇一一年二月三版五刷

定價／台幣一二五〇元

◎版權所有・翻印必究

十八家詩鈔卷十七

王右丞五律百四首

奉和聖製賜史供奉曲江宴應制

侍從有鄒枚。瓊筵就水開。（就唐詩品彙作向）言陪柏梁宴。新下建章來。（下文苑英華作自）對酒山河滿。移舟草樹迴。天文同麗日。駐景惜行杯。

從岐王過楊氏別業應教

楊子談經所。（所文苑英華唐詩正音唐詩品彙俱作虞萬首唐人絕句樂府詩集俱作去）淮王載酒過。興闌啼鳥換。（與蘭萬首唐人絕句作醉來換唐詩正音唐詩品彙俱作緩）坐久落花多。迴轉迴銀燭。林開散玉珂。嚴城時未啓。前路擁笙歌。（據一作引）

從岐王夜讌衛家山池應教

座客香貂滿。宮娃綺幔張。澗花輕粉色。山月少燈光。（少文苑英華作吐非）積翠紗窗暗。（暗文苑英華作透）飛泉繡戶涼。還將歌舞出。歸路莫愁長。

和尹諫議史館山池

尹文苑英華作伊非

雲館接天居。（居一作靈）霓裳侍玉除。春池百子外。（子一作草非）芳樹萬年餘。洞有仙人籙。山藏太史書。君恩深漢帝。且莫上空虛。（空一作雲）

同崔員外秋宵寓直

同文苑英華作和

建禮高秋夜。承明候曉過。九門寒漏徹。萬井曙鐘多。月迴藏珠斗。雲消出絳河。（消文苑英華作開）更慚衰朽質。南陌共鳴珂。

奉和楊駙馬六郎秋夜卽事

高樓月似霜。秋夜鬱金堂。對坐彈盧女。同看舞鳳凰。少兒多送酒。小玉更焚香。結束平陽騎。明朝入建章。

酬虞部蘇員外過藍田別業不見留之作

貧居依谷口。喬木帶荒村。石路枉迴駕。山家誰候門。漁舟膠凍浦。獵火燒寒原。（竈一作繞）惟有白雲外。疏鐘聞夜猿。（聞字疑是聞字之訛）

酬比部楊員外暮宿琴臺聽琴閣率爾見贈之作

舊蘭拂塵看。鳴琴候月彈。（候文苑英華作候）桃源迷漢姓。（源一作花）松樹有秦官。（樹顧元偉本作本俱作盤）空谷歸人少。青山背日寒。羨君棲隱處。遙望白雲端。（樓峻本作歸）

酬嚴少尹徐舍人見過不遇

公門暇日少。窮巷故人稀。偶值乘籃輦。非關避白衣。不知炊黍否。誰解掃荆扉。君但傾茶碗。無妨騎馬歸。

慕容承攜素纈見過

紗帽烏皮几。閒居嬾賦詩。門看五柳識。年算六身知。靈壽君王賜。雕胡弟子炊。空勞酒食饌。特底解人頤。

酬慕容上一作酬慕容十一

行行西陌返。駐驂問車公。（韓劉本顧可久本俱作盧非）挾轂雙官騎。應門五尺僮。老年如塞北。強起離牆東。爲報壺邱子。來人道姓蒙。（姓字疑是住字之訛）

酬張少府

晚年惟好靜。（年一作來）萬事不關心。自顧無長策。（長一作良）空知返舊林。（知文苑英華作如）松風吹解帶。山月照彈琴。君（一作若）問窮通理。漁歌入浦深。

喜祖三至留宿

門前洛陽客。下馬拂征衣。不枉故人駕。平生多掩扉。行人返深巷。積雪帶餘暉。早歲同袍者。高車何處歸。

酬賀四贈葛巾之作

野巾傳惠好。茲脫重兼金。嘉此幽棲物。能齊隱吏心。（齊陵本作高）早朝方暫挂。晚沐復來簪。（復陵本作更）坐覺羸塵遠。思君共入林。

寄荊州張丞相

所思竟何在。懷望深荆門。舉世無相識。終身思舊恩。方將與農圃。藝植老邱園。目盡南飛鳥。（飛鳥顧元諱本凌本俱作無雁）何由寄一言。

輞川閑居贈裴秀才迪

寒山轉蒼翠。（轉顧可久本作積）秋水日潺湲。倚杖柴門外。臨風聽暮蟬。渡頭餘落日。墟里上孤煙。復值接輿醉。狂歌五柳前。

冬晚對雪憶胡居士家

居一作處。〇一作王勣詩。
寒更傳曉箭。（一作寒更催曉曉）清鏡覽衰顏。（覽一作滅）隔牖風驚竹。開門雪滿山。（門一作簾）灑空深巷靜。積素廣庭閑。借問袁安舍。儵然尙閉關。

山居秋暝

空山新雨後。天氣晚來秋。明月松間照。清泉石上流。竹喧歸浣女。蓮動下漁舟。隨意春芳歇。王孫自可留。

終南別業

中歲頗好道。晚家南山陲。興來每獨往。勝事空自知。行到水窮處。坐看雲起時。偶然值林叟。談笑無還期。

歸嵩山作

清川帶長薄。（唐文苑英華作隴）車馬去閒閒。流水如有意。暮禽相與還。（禽文苑英華作雲）荒城臨古渡。落日滿秋山。迢遞嵩高下。（唐文苑英華作山）歸來且閉關。（閑一作掩）

歸輞川作

谷口疏鐘動。漁樵稍欲稀。悠然遠山暮。獨向白雲歸。菱蔓弱難定。楊花輕易飛。東皋春草色。惆悵掩柴扉。

韋諷事山居

幽尋得此地。（幽尋凌本作尋幽）詎有一人曾。大壑隨階轉。羣山入戶登。庖廚出深竹。印綬隔垂藤。卽事辭軒冕。誰云病未能。

山居卽事

寂寞掩柴扉。蒼茫對落暉。鶴巢松樹徧。（樹巖本作徑。）人訪草門稀。嫩竹含新粉。（樹巖元祐本作綠。）紅蓮落故衣。渡頭燈火起。處處採菱歸。

終南山 文苑英華作終山行

太乙近天都。連山到海隅。（山文苑英華作天到一作接。）白雲迴望合。青靄入看無。分野中峯變。陰晴衆壑殊。欲投人處宿。隔水問樵夫。（水文苑英華作備。）

輞川閑居

一從歸白社。不復到青門。時倚檐前樹。遠看原上村。青菰臨水映。（映一作拔。）白鳥向山翻。寂寞於陵子。桔槔方澹園。

春園卽事

宿雨乘輕屐。春寒著敝袍。開畦分白水。閒柳發紅桃。草際成棋局。林端舉桔槔。還持綠皮几。日暮掩蓬蒿。

棋上卽事田園

屏居淇水上。東野曠無山。日隱桑柘外。河明閭井間。牧童望村去。獵犬隨人還。靜者亦何事。荆扉乘晝關。

與盧象集朱家

主人能愛客。愛客本作對。終日有逢迎。黃得新豐酒。復聞秦女箏。柳條疏客舍。槐葉下秋城。語笑且爲樂。吾將達此生。（達達本作適。）

過福禪師蘭若

巖壑轉微徑。（文苑英華作巖壑帶松徑一本作巖壑帶茅徑。）雲林隱法堂。羽人飛素樂。天女跪焚香。（天一本作仙。）竹外峯偏曙。藤陰水更涼。欲知禪坐久。行路長春芳。

黎拾遺昕裴迪見過秋夜對雨之作 一本裴字下多秀才二字

促織鳴已急。輕衣行向重。（向劉本作向。）寒燈坐高館。秋雨聞疏鐘。白法調狂象。元言問老龍。何人顧蓬徑。空

愧求半蹤。（求一作牛誤）

晚春嚴少尹與諸公見過

松菊荒三徑。圖書共五車。烹葵邀上客。看竹到貧家。鶯乳先春草。鶯啼過落花。自憐黃髮暮。一倍惜年華。

過感化寺曇興上人山院

感化文苑英華作化感

暮持筇竹杖。相待虎溪頭。催客聞山響。歸房逐水流。野花叢發好。谷鳥一聲幽。夜坐空林寂。（林顯可久本作村）松風直似秋。

夏日過青龍寺謁操禪師

龍鍾一老翁。徐步謁禪宮。欲問義心義。遙知空病空。山河天眼裏。世界法身中。莫怪消炎熱。能生大地風。

鄭果州相過 相陵本作見

麗日照殘春。（麗劉本作斜）初晴草木新。牀前磨鏡客。（前顯元緯本作作頭）林裏灌園人。（林裏顯

元緯本作樹下陵本作花下）五馬驚窮巷。（驚方輿勝覽作過）雙童逐老身。（逐方輿勝覽作送）中廚辦

羸飯。（中廚文苑英華作廚中）當恕阮家貧。（當恕文苑英華作常恐）

過香積寺 文苑英華以此詩爲王昌齡作

不知香積寺。數里入雲峯。古木無人徑。深山何處鐘。（深文苑英華作空）泉聲咽危石。日色冷青松。薄暮空潭

曲。安禪制毒龍。

過崔駙馬山池

畫樓吹笛妓。（畫一作書）金盃酒家胡。（槐顯元緯本作本俱作埽）錦石稱貞女。青松學大夫。脫貂黃桂酌。

（酌顯元緯本作陵本作俱作酌）射鴈與山廚。聞道高陽會。愚公谷正愚。

送李判官赴江東 江東一作東江

聞道皇華使。方纔皂蓋臣。封章通左語。冠冕化文身。樹色分揚子。潮聲滿富春。遙知辨璧吏。恩到泣珠人。

送封太守

忽解羊頭劍。聊馳熊軾轡。（軾顧元緯本倭本俱作首）揚舲發夏口。按節向吳門。帆映丹陽郭。楓攢赤岸村。（一作藏）百城多候吏。露冕一何尊。

送服秀才還蜀

甯親爲令子。（爲文苑英華作真）似舅即賢甥。別路經花縣。還鄉入錦城。山臨青塞斷。江向白雲平。獻賦何時至。明君憶長卿。

送張判官判河西

單車曾出塞。報國敢邀勳。見逐張征虜。今思霍冠軍。沙平連白雪。蓬卷入黃雲。慷慨倚長劍。高歌一送君。

送岐州源長史歸

原註源與余同在崔常侍幕中時常侍已歿

握手一相送。心悲安可論。秋風正蕭索。客散孟嘗門。故驛通槐里。長亭下槿原。（槿一作柏）征西舊旌節。從此向河源。

送張道士歸山

先生何處去。王屋訪茅君。別婦留丹訣。驅雞入白雲。人閒苦難住。天上復離羣。當作遼城鶴。仙歌使爾聞。

同崔興宗送瑗公

一作同崔興宗送衡岳瑗公南歸

言從石齒閣。新下穆陵關。獨向池陽去。白雲留故山。綻衣秋日裏。洗鉢古松閒。一施傳心法。惟將戒定還。

送錢少府還藍田

草色日向好。桃源人去稀。手持平子賦。目送老萊衣。每候山櫻發。時同海燕歸。今年寒食酒。應得返柴扉。

留別錢起

卑棲卻得性。每與白雲歸。徇祿仍懷橘。（仍凌本作猶）看山免採薇。（山凌本作花四句一作別山如昨日春露已沾衣。采蘋頻盈手。看花空厭歸。（暮禽先去焉。新月待開扉。雲漢時回首。知音青瑣闥。

送邱爲往唐州

宛洛有風塵。君行多苦辛。四愁連漢水。百口寄隨人。槐色陰清晝。楊花惹暮春。朝端肯相送。天子繡衣臣。

送元中丞轉運江淮

薄稅歸天府。（稅一作賦）輕徭賴使臣。歡沾賜帛老恩及。卷納人去閭珠官俗。（珠錢集作殊）來經石劫春。（凌本作來看石劫城）東南御亭上。莫使有風塵。（使錢集作閭）

送崔九興宗遊蜀

送君從此去。轉覺故人稀。徒御猶回首。田園方掩扉。出門當旅食。中路授寒衣。江漢風流地。游人何處歸。（處唐詩紀事作歲）

送崔興宗

已恨親皆遠。誰憐友復稀。君王未西顧。游宦盡東歸。塞迴山河淨。天長雲樹微。方同菊花節。相待洛陽扉。

送平澹然判官

不識陽關路。新從定遠侯。黃雲斷春色。畫角起邊愁。（起唐詩正音作赴一作越）瀚海經年別。（別顧元緯本凌本文苑英華俱作到）交河出塞流。須令外國使。（須文苑英華作預）知飲月支頭。（知一作只非）

送孫秀才

帝城風日好。（風文苑英華作春）況復建平家。玉枕雙文簾。（文苑英華唐詩紀事俱作紋）金盤五色瓜。山中無魯酒。（無文苑英華唐詩紀事俱作沽）松下飯胡麻。厭田家苦。（厭一作怨）歸期遠復賒。

送劉司直赴安西

絕域陽關道。胡煙與塞塵。（酒顧元緯本凌本文苑英華唐詩品彙俱作沙）三君時有鴈。萬里少行人。首瞻隨天馬。蒲桃逐漢臣。（漢凌本作使）當今外國懼。不敢覓和親。

送趙都督赴代州得青字

天官動將星。漢地柳條青。（地顧元緯本凌本俱作上一作止）萬里鳴刁斗。三軍出井陘。忘身辭鳳闕。報國取龍庭。豈學書生輩。窗閒老一經。（閒文苑英華作中老唐詩品彙作著）

送方城韋朋府

遙思葭葦際。寥落楚人行。高鳥長淮水。平蕪故郢城。使車聽雉乳。縣鼓應鷄鳴。若見州從事。無嫌手板迎。

送李員外賢郎

少年何處去。負米上銅梁。借闕阿戎父。知爲童子郎。魚箋請詩賦。檀布作衣裳。薏苡扶衰病。歸來幸可將。

送梓州李使君 梓州唐詩正音作東州

萬壑樹參天。千山響杜鵑。（文苑英華作鄉音藥杜鵑）山中一半雨。（中二顧本凌本唐詩品彙俱作夜）樹杪百重泉。漢女輸檀布。（檀漏奎律體唐詩正音俱作賣）巴人訟芋田。文翁翻教授。不敢倚先賢。（不敢當是敢不之訛）

送張五諶歸宣城

五湖千萬里。沉復五湖西。漁浦南陵郭。人家春穀溪。欲歸江淼淼。未到草凄凄。憶想蘭陵鎮。可宜猿更啼。

送友人南歸

萬里春應盡。三天鴈亦稀。（亦稀文苑英華作欲飛非）連天漢水廣。孤客郢城歸。郢國稻苗秀。（郢顧可久本唐詩正音俱作郎誤）楚人菰米肥。（米一作菰文苑英華作葉）懸知倚門望。遙識老萊衣。

送賀遂員外外甥

南國有歸舟。荆門泝上流。蒼茫葭葦外。雲水與昭邱。（與一作同）檣帶城烏去。江連暮雨愁。猿聲不可聽。莫待楚山秋。

送楊長史赴果州 漏奎律體長史下多一清字

衰斜不容櫛。之子去何之。（去方輿勝覽作欲）鳥道一千里。猿啼十二時。（啼漏奎律體唐詩正音唐詩品彙俱作聲）官橋祭酒客。山木女郎祠。別後同明月。君應聽子規。

送邢桂州

曉吹喧京口。風波下洞庭。緒圻將赤岸。擊汰復揚舲。日落江湖白。潮來天地青。明珠歸合浦。應逐使臣星。

送宇文三赴河西充行軍司馬

橫吹雜繁瑣。（吹文苑英華作笛）邊風捲塞沙。（邊風捲塞沙還聞田司馬更逐李輕車蒲類成秦地）（類劉本顧可久本俱作）壘。蒺藜車屬漢家。（車劉本顧可久本俱作居誤一本作邱亦非）當令犬戎國朝聘學昆邪。

送孫二

郊外誰相送。（文苑英華作郭外誰將送）夫君道術親。書生鄒魯客。才子洛陽人。祖席依寒草。行軍起暮塵。（起文苑英華作薄）山川何寂寞。（何文苑英華作向）長望嶺露巾。

送崔三往密州觀省

南陌去悠悠。東郊不少留。同懷扇枕戀。獨念倚門愁。（念文苑英華作解）路遶天山雪。家臨海樹秋。魯連功未報。且莫蹈滄洲。

送邱爲落第歸江東

憐君不得意。況復柳條春。爲客黃金盡。還家白髮新。五湖三峴宅。（宅文苑英華作地）萬里一歸人。（歸文苑英華作行）知禰不能薦。（禰顧元緯本按本唐詩品彙俱作爾）羞爲獻納臣。（爲顧元緯本按本唐詩紀事唐詩品彙俱作禰文苑英華作看）

漢江臨汎 汎濕奎律隨作眺

楚塞三湘接。荆門九派通。江流天地外。山色有無中。郡邑浮前浦。波瀾動遠空。襄陽好風日。（日文苑英華作月）留醉與山翁。

登辨覺寺 辨一作新

竹徑從初地。（從文苑英華藏奎律隨俱作連）蓮峯出化城。窗中三楚盡。（盡文苑英華作靜）林外九江平。輕草承趺坐。（輕文苑英華作漱）長松響梵聲。空居法雲外。觀世得無生。

涼州郊外遊望

野老才三戶。邊村少四鄰。（邊村顧元緯本按本俱作村邊誤）婆娑依里社。簫鼓賽田神。灑酒澆鄒狗。焚香拜木人。女巫紛屢舞。羅襪自生塵。

觀獵 唐詩紀事作獵騎

風勁角弓鳴。（勁一作動）將軍獵渭城。草枯鷹眼疾。雪盡馬蹄輕。忽過新豐市。（市雪溪友諫作茂）還歸細柳營。回看射鵰處。千里暮雲平。

春日上方即事 万文苑英華作房諒

好讀高僧傳。時看辟穀方。鳩形將刻杖。龜殼用支牀。柳色春山映。梨花夕鳥藏。（梨花溪奎律體作花明）北窗桃李下。閑坐但焚香。（坐獵奎律體作步）

汎前陂

秋空自明迥。（自明一作明月）況復遠人閒。（閒文苑英華作裏）暢以沙際鶴。兼之雲外山。澄波瞻將夕。（彼一作陂）清月皓方閑。此夜任孤棹。夷猶殊未還。

遊李山人所居因題屋壁

世上皆如夢。（世上一作世人一作世事）狂來或自歌。（狂文苑英華作往或一作止）問年松樹老。有地竹林多。（林文苑英華作陰）藥倩韓康賣。門容向子過。（向一作向）翻嫌枕席上。無那白雲何。（那一作奈）

登河北城樓作

井邑傳巖上。客亭雲霧閒。高城眺落日。極浦映蒼山。岸火孤舟宿。漁家夕鳥還。寂寥天地暮。（暮凌本作外）心與廣川閑。

登裴迪秀才小臺作

端居不出戶。滿目望雲山。（望一作空）落日鳥邊下。秋原人外閑。遙知遠林際。不見此簷閒。好客多乘月。應門莫上關。

被出濟州 河嶽英靈集作初出濟州別城中故人

微官易得罪。謫去濟川陰。執政方持法。明君無此心。（無一作照）問閭河潤上。井邑海雲深。縱有歸來日。多愁年鬢侵。（多諸本皆作各河嶽英靈集唐詩品彙俱作多今從之）

千塔主人

逆旅逢佳節。征帆未可前。窗臨汴河水。門渡楚人船。雞犬散墟落。桑榆陰遠田。所居人不見。枕席生雲煙。

使至塞上

單車欲問邊。屬國過居延。（文苑英華作銜命辭天關。單車欲問邊。又問字一作向。）征蓬出漢塞。（蓬文苑英華作蒲。）歸鴈入胡天。大漠孤煙直。長河落日圓。蕭關逢候騎。（蕭關可久本唐詩品彙俱作吏。）都護在燕然。

晚春閨思

河嶽英靈集作春閨

新妝可憐色。落日卷羅帷。（羅河嶽英靈集作簾。）鑪氣清珍簾。（鑪一作微。）牆陰上玉墀。春蟲飛網戶。暮雀

戲題示蕭氏外甥

憐爾解臨池。渠翁未學詩。老夫何足似。敝宅倘因之。蘆笋穿荷葉。（穿爾元緯本倭本俱作蕭。）菱花冒鴈兒。却公不易勝。莫著外家欺。

秋夜獨坐

唐詩正音作冬夜書懷誤

獨坐悲雙鬢。空堂欲二更。雨中山果落。燈下草蟲鳴。白髮終難變。黃金不可成。欲知除老病。惟有學無生。

待儲光羲不至

重門朝已啓。起坐聽車聲。要欲聞清佩。方將出戶迎。曉鐘鳴上苑。疏雨過春城。了自不相顧。臨堂空復情。

聽官鶯

春樹繞宮牆。春鶯轉曙光。（文苑英華作宮鶯。次第細。）忽驚啼暫斷。移處弄還長。隱葉棲承露。攀花出未央。（鶯一作排。）游人未應返。爲此思故鄉。（文苑英華作爲此始思鄉。）

早朝

柳暗百花明。春深五鳳城。城烏睨曉曉。（烏文苑英華作鴉。）宮井轉驢聲。方朔金門侍。（侍文苑英華作召。）班姬玉輦迎。仍聞遣方士。東海訪蓬瀛。

愚公谷三首 原註青巖寺內與黎昕戲語

愚谷與誰去。唯將黎子同。非須一處住。不那兩心空。寧問春將夏。誰論西復東。不知吾與子。若箇是愚公。
吾家愚谷裏。吾願可久本。作愚。此谷本來平。雖則行無跡。還能響應聲。不隨雲色暗。祇待日光明。緣底名愚谷。都由愚所成。

雜詩

借問愚公谷。與君聊一尋。不尋翻到谷。此谷不離心。行處曾無險。看時豈有深。寄言壘上客。何處欲尋真。
雙燕初命子。五桃初作花。（初一作新。凌本作結）王昌是東舍。宋玉次西家。小小能織綺。時時出浣紗。親勞使君問。南陌駐香車。

過秦皇臺 秦文苑英華作始

古墓成蒼嶺。幽宮象紫臺。星辰七曜隔。河漢九泉開。有海人寧渡。無春鴈不迴。更聞松韻切。疑是大夫哀。
故太子太師徐公執歌四首

功德冠羣英。彌綸有大名。軒皇用風后。傳說是星精。就第優遷老。來朝詔不名。留侯常辟穀。何苦不長生。
謀猷爲相國。珂贊奉乘輿。（贊一作戴。乘文苑英華作宸）劍履升前殿。貂蟬託後車。齊侯疏土宇。漢室賴圖書。
僻處留田宅。仍纔十頃餘。（頃文苑英華作畝）

舊里趨庭日。新年置酒辰。聞詩鸞渚客。獻賦鳳樓人。北闕辭明主。東堂哭大臣。猶思御朱轡。不惜汗車茵。
久踐中台座。終登上將壇。誰言斷車騎。（言文苑英華作將）空憶盛衣冠。風日咸陽慘。笳蕭渭水寒。無人當便闕。應罷太師官。

故西河郡杜太守執歌三首

天上去西征。雲中護北平。生擒白馬將。連破黑鸚城。忽見芻蕘苦。（苦願可久本文苑英華俱作善）徒聞竹使榮。
空留左氏傳。誰繼卜商名。
返葬金符守。（守劉本願可久本俱作字非）同歸石窰樓。卷衣悲畫翟。持翼待鳴雞。容衛都人慘。山川駟馬嘶。

猶聞隴上客，相對哭征西。

塗窮去國門，秘器出東園。太守留金印，夫人罷錦軒。旌旄轉衰木，簫鼓上寒原。墳樹應西靡，長思魏闕恩。

故南陽夫人樊氏輓歌二首

錦衣餘翟。轍（轍一作蕭）繡轡龍魚軒。淑女詩長在，夫人法尚存。凝笳隨曉旆，行哭向秋原。歸去將何見，誰能返戟門。

石笋恩榮重，金吾車騎盛。將朝毋贈言，入室還相敬。疊鼓秋城動，懸旌寒日映。不言長不歸，環佩猶將聽。

達奚侍郎夫人寇氏輓歌二首

束帶將朝日，鳴環映牖辰。能令諫明主，（明一作皇）相勸識賢人。（勸文苑英華作助）遞挂空留壁，迴文日覆塵。金蠶將畫柳，何處更知春。

女史悲彤管，夫人罷錦軒。卜瑩占二室，（占文苑英華作瞻）行哭度千門。秋日光能澹，寒川波自翻。（波文苑英華作浪）一朝成萬古，松柏暗平原。

恭懿太子輓歌五首

何悟藏環早，纔知拜璧年。神天王子去，對日聖君憐。樹轉宮猶出，笳悲馬不前。雖蒙絕馳道，京兆別開阡。蘭殿新恩切，椒宮夕臨幽。白雲隨鳳管，明月在龍樓。人向青山哭，天臨渭水愁。雞鳴常問牖，今恨玉京留。騎吹凌霜發，旌旗夾路陳。愔容金節護，（愔一作禮）冊命玉符新。傳母悲香祿，君家擁畫輪。射熊今夢帝，稱象問何人。

蒼舒留帝寵，子晉有仙才。五歲過人智，三天使鶴催。心悲陽祿館，（陽一作四非）目斷望思臺。若道長安近，何爲更不來。

西望昆池閣，東瞻下杜平。山朝豫章館，樹轉鳳凰城。五校連旗色，千門疊鼓聲。金環如有驗，還向畫堂生。

子並襄陽五律百二十八首

與諸子登峴山

人事有代謝。往來成古今。江山留勝跡。我輩復登臨。水落魚梁淺。天寒夢澤深。半公碑字在。讀罷淚沾襟。

望洞庭湖贈張丞相 一作臨洞庭

八月湖水平。涵虛混太清。氣蒸雲夢澤。波撼岳陽城。欲濟無舟楫。端居恥聖明。坐觀徒憐。垂釣者。一作隻。空。一作徒。有羨魚情。

春中喜王九相尋 一題作晚春

二月湖水清。家家春鳥鳴。林花掃更落。徑草踏還生。酒伴來相命。開尊共解醒。當杯已入手。歌妓莫停聲。

歲暮歸南山 一題作歸故園作 一作歸終南山

北闕休上書。南山歸敝廬。不才明主棄。多病故人疏。白髮催年老。青陽逼歲除。永懷愁不寐。一作寢。松月夜窗。一作堂。虛。

梅道士水亭

傲吏非凡吏。名流即道流。隱居不可見。高論莫能酬。水接仙源近。山藏鬼谷幽。再來迷處所。花下問漁舟。

閑園懷蘇子

林園雖少事。幽獨自多違。向夕開簾坐。庭陰落景微。鳥過。一作從。煙樹宿。螢傍水軒飛。感念同懷子。京華去不歸。

留別王侍御維 一無侍御字

寂寂竟何待。朝朝空自歸。欲尋芳草去。惜與故人違。當路誰相假。知音世所稀。祇應守索。一作寂。寞。還掩故園扉。

武陵泛舟

武陵川路狹。前權入花林。莫測幽源裏。仙家信幾深。水回青嶂合。雲度綠溪陰。坐聽閑猿嘯。彌清塵外心。

同曹三御史行泛湖歸越